



Истаган музейингизда Россияда (хох чет элликларники бўлсин, хох русларнииг ўзлариники бўлсин) турли замонларда юритилган кўплаб кадимий танга-чакаларнинг намуналарини кўриш мумкин.

Аmmo жуда галати жойи шундаким, XII ва XIII асрлардаги тангаларни ҳеч қаерда учратмайсиз. Биронтасини ҳам! Бунинг ўрнига ўша асрга доир хазиналардан ҳар хил шакл ва вазндаги кимматбахо металлларнинг куймаси топилади.

Тарихни ўрганиш шуни кўрсатадики, куйилмалар танга-чака пайдо бўлгунча пул ўрнида ишлатилган, бу ерда эса юз йиллар мобайнида танга-чака пул муомаласида бўлса-ю, бир-дан яна куймага ўтилса! Акл бовар килмайдиган хол-ку!

Ҳа, худди шундай бўлган.

Русда пул шакли-шамойили ривожланишини оркага кайтариб юборган нарса нима экан? Маълум бўлишича, ўша пайтларда Киев Русига бирлашган ерлар яна алохида-алохида князликларга бўлиниб кетган. Бутун мамлакат учуп ягона танга-чака зарб этиш тўхтатилган. Илгари муомалада бўлган тангаларни халк яшириб кўйгаи. Худди ана шу пайтда динор келтириш ҳам тўхтаган.

Шундай килиб, Русда танга-чака колмаган, буларнинг ўрнини куймалар эгаллаган. Яна қачонлардир бўлгани каби пулнинг хизматини кумуш парчалари ўтай бошлаган. Лекин эндиликда кумуш пуллар аниқ шакл ва вазнга эга бўлган.

Бу даврни танга-чакасиз давр дейилади.

Русларнинг кўшнилари бўлган латишлар, эстонлар, литваликларнинг ҳам ўша пайтда тангалари бўлмаган.

XIII асрнинг бошларида мўгул галалари Русь томон силжиб келишарди.

Князликларнинг ўзаро низолари натижасида парчаланган, кучсизланган Русь мўгулларнинг яхши уюшган кўшинига қарши тура олмайди. Рус кишилари қанчалик қурашмасинлар князликлар бири кетидан бири босқинчилар асоратига тушаверди. Тез орада Новгороддан ташқари бутун Русь мўгуллар зулми остида қолди. Волга бўйларида, Ўрта Осиё ерларида. Шимолий Кавказ ва Гарбий Сибирда Ботухон давлати — Олтин Ўрда ўрнатилди. Русь учун чеки-чегараси кўринмас огир, машаққатли йиллар қелди.

Мўгуллар ўз пулларини чиқаришди. Ана шунда Русда дирхам ёки денга — танга пайдо бўлди. «Танга» — жирингловчи деган маънони билдиради.

Бу асосан устига арабча ёзилган қичкина кумуш тангалар эди. «Денга» сўзи рус тилида аста-секин «деньги» (пул) бўлиб ўзгариб кетган.

Факат XIV асрнинг ўрталарида, рус халқи мўгулларнинг зулмини бўшаштиришга муваффақ бўлгач, яна рус танга-чакалари пайдо бўла бошлайди. Князь Роман Михайлович Киевда кумуш танга зарб қилади. 1380 йили Куликов жангида

мўгул-татарлар устидан галаба козонилгач, Дмитрий Донской хам танга чикаради. Аммо, хали руслар Олтин Ўрда зугумида эди, бу нарса тангаларда хам акс этиб турарди. Масалан, Дмитрий Донской чикарган танганинг бир томонида: «**Султон Тўхтамишхон. Салтанатлари мустахам бўлсин**

», деб ёзилганди. Иккинчи томонида эса Дмитрий Донскойнинг белгилари: ойболта кўтарган киши ёки хўроз тасвирланган эди. Ундаги ёзувлар эса русча ва арабча бўлган. Рус тангаларидаги арабча ёзув мўгуллар асоратидан кутулгандан кейин хам узок вақтларгача сакланиб келинган. Масалан, Иван III хамда Михаил Тверскийнинг тангаларига арабча хат ёзилиб, ўша ернинг ўзидаёқ русча таржимаси хам берилган: «**Иван — Иоанн, Михаил Тверча — Михаил Тверской, Москов акчаси будир — есть денга московская**

».